



KEMENTERIAN PERTANIAN DAN KETERJAMINAN MAKANAN

Ministry of Agriculture and Food Security

Wisma Tani

No 28, Persiaran Perdana, Presint 4

Pusat Pentadbiran Kerajaan Persekutuan

62624 PUTRAJAYA,

MALAYSIA

No. Telefon : 03-8000 8000

No. Faks : 03-8888 6020

Laman Web : www.mafs.gov.my

SIARAN MEDIA

**BANTUAN KHAS KEWANGAN AIDILFITRI RINGAN BEBAN
PESAWAH DAN NELAYAN**

PUTRAJAYA, 7 APRIL 2023 – YAB Perdana Menteri melalui pembentangan Rang Undang-Undang (RUU) Pembekalan 2023 Bacaan Kali Kedua di Dewan Negara pada 29 Mac 2023 telah mengumumkan bayaran Bantuan Khas Kewangan Aidilfitri Tahun 2023 kepada pesawah dan nelayan.

Selaras dengan keputusan tersebut, Kementerian Pertanian dan Keterjaminan Makanan (KPKM) sedang menyelaraskan kaedah pelaksanaan pembayaran berdasarkan tatakelola pengurusan yang telah ditetapkan seperti berikut:-

Bayaran **LAYAK** diberikan kepada:

- I. Pesawah, nelayan laut dan nelayan darat Warganegara Malaysia;
- II. Pesawah yang terlibat dalam aktiviti penanaman padi pada tahun 2022 dan berdaftar dengan agensi yang dilantik oleh Kerajaan tertakluk kepada syarat khusus yang ditetapkan oleh Bahagian Pembangunan Industri Padi, Kementerian Pertanian dan Keterjaminan Makanan (KPKM);
- III. Nelayan laut yang aktif menjalankan aktiviti penangkapan ikan dan berdaftar dengan agensi yang dilantik oleh Kerajaan tertakluk kepada syarat khusus yang ditetapkan oleh Lembaga Kemajuan Ikan Malaysia (LKIM); dan
- IV. Nelayan darat yang aktif menjalankan aktiviti penangkapan ikan dan berdaftar dengan agensi yang dilantik oleh Kerajaan tertakluk kepada syarat khusus yang ditetapkan oleh Jabatan Perikanan Malaysia (DOF).

Penyaluran bantuan kepada pesawah dan nelayan yang layak secara **one -off** sebanyak **RM200 seorang** akan dibayar mulai **10 April 2023** melalui agensi seperti berikut:

Pesawah

- (i) Lembaga Pertubuhan Peladang (LPP);
- (ii) Lembaga Kemajuan Pertanian Muda (MADA); dan
- (iii) Lembaga Kemajuan Pertanian Kemubu (KADA).

Nelayan laut

- (i) Lembaga Kemajuan Ikan Malaysia (LKIM)

Nelayan darat

- (i) Jabatan Perikanan Malaysia (DOF)

Pemberian bantuan khas sebanyak RM200 kepada pesawah dan nelayan ini dijangka akan dapat memanfaatkan seramai 240,000 orang pesawah dan 38,500 orang nelayan di seluruh negara. Pengumuman ini membuktikan keprihatinan Kerajaan di bawah pimpinan YAB Perdana Menteri dalam memastikan nasib pesawah dan nelayan sentiasa terpelihara dalam menghadapi cabaran kos sara hidup yang tinggi selaras dengan kerangka visi Malaysia MADANI.

KPKM berharap bantuan yang diberikan ini dapat membantu pesawah dan nelayan dalam membuat persediaan bagi menyambut Hari Raya Aidilfitri. KPKM turut menzahirkan komitmen dalam memastikan penyaluran pembayaran bantuan kewangan ini dibuat secara efisien dan teratur.

Sekiranya terdapat sebarang pertanyaan, sila hubungi pihak KPKM dan Jabatan/Agensi KPKM seperti berikut:

- i. Bilik Gerakan Bantuan Khas Kewangan Aidilfitri KPKM: 03-8870 1759/ 1760/ 1761;
- ii. Jabatan Perikanan Malaysia (DOF): 03-8870 4422/ 4475;
- iii. Lembaga Pertubuhan Peladang (LPP): 03-2610 9664;
- iv. Lembaga Kemajuan Ikan Malaysia (LKIM): 03-8064 9303;
- v. Lembaga Kemajuan Pertanian Muda (MADA): 04-772 8255; dan
- vi. Lembaga Kemajuan Pertanian Kemubu (KADA): 09-745 5388 samb. 5433

KEMENTERIAN PERTANIAN DAN KETERJAMINAN MAKANAN
7 APRIL 2023